



世界書局印行

景印
藻堂

四庫全書薈要

史部
第八冊
第一類
編年





本冊目次

書名及撰人

卷次

頁次

御批通鑑綱目五十九卷 宋朱熹撰 尹起莘發明 劉友益書法 元汪克寬考異 王幼學集覽正誤 馮智舒質實 諸家所著各自爲書至黃仲昭始彙於逐條之下 清聖祖仁皇帝就之御批刊行

卷十二上至卷二十八

一六七—一

欽定四庫全書薈要

史部

御批通鑑綱目卷十二上

詳校官編修臣汪鏞

欽定四庫全書薈要卷七千三百二十一

史部

御批資治通鑑綱目卷十二上

起丁未漢桓帝永康元年凡二十七年

永康元年春正月東羌復反段熲擊破之○夫餘寇

玄菟質實夫餘國名注見桓帝延熹九年○夏四月羌

寇三輔質實三輔郡名注見漢武帝征和元年○五月地裂

書法地裂非小變也自和帝永元七年一書於是再見故通鑑不書綱目特書之終綱目書地

裂三詳秦
庚午年

欽定四庫全書

御批通鑑綱目
卷十二上

○是月晦日食○六月赦黨人歸田里禁錮終身

陳蕃既免朝臣震栗莫敢復為黨人言者賈彪曰吾
不西行大禍不解乃入雒陽說竇武及尚書霍諝等
使訟之武上疏曰膺等建忠抗節志經王室此誠陛
下稷卨伊呂之佐而虛為姦臣賊子所誣枉天下寒
心海內失望惟陛下留神澄省時見理出以厭人鬼
喁喁之心今臺閣近臣尚書朱寓荀綰劉祐魏朗劉
矩尹勲等皆國之貞士朝之良佐尚書張陵楊賜范
康楊喬邊韶戴恢等大質彬彬明達國典而陛下委
任近習專樹饗餐外典州郡內幹心膺宜以次貶黜
案罪糾罰信任忠良平決臧否使邪正毀譽各得其
所如此咎徵可消天應可待間者有嘉禾芝草黃龍
之見夫瑞生必於嘉土福至實由善人在德為瑞無
德為災陛下所行不合天意不宜稱慶書奏因以病
上還城門校尉槐里侯印綬霍諝亦為表請帝意稍

解使中常侍王甫就獄訊黨人甫詰曰卿等更相拔
舉迭為唇齒其意如何范滂曰滂欲使善善同其清
惡惡同其汙謂王政之所願聞不悟更以為黨身死
之日願埋滂於首陽山側上不負皇天下不愧夷齊
甫愍然為之改容乃得並解桎梏膺等又多引宦官
子弟宦官懼請帝以天時宜赦遂赦改元黨人二百
餘人皆歸田里書名三府禁錮終身滂往候霍諝而
不謝或讓之滂曰昔叔向不見祁奚吾何謝焉滂歸
汝南南陽士大夫迎之者車數千兩鄉人殷陶黃穆
侍衛於旁應對賓客滂曰是重吾禍也遂遁還初詔
書下舉鉤黨郡國所奏多至百數唯平原相史弼獨
無所上詔書迫切州郡髡答掾史從事坐傳舍責曰
青州六郡其五有黨平原何治而得獨無弼曰先王
疆理天下畫界分境水土異齊風俗不同他郡自有
平原自無胡可相比若承望上司誣陷良善則平原
之人戶可為黨相有死而已所不能也從事大怒即

欽定四庫全書
御批通鑑綱目
卷十二上
二

舉奏弼會黨禁中解所脫者甚眾竇武所薦楊喬容
儀偉麗數言政事帝愛其才貌欲妻以公主喬固辭
不聽遂不集覽
稷高伊呂稷名棄姓姬氏高息列反
食而死
相呂望周武王之相姜太公也從其封姓故曰呂尚
書郎張陵張陵以下六人皆尚書郎內幹幹讀曰管
主也平決臧否平音病平其不平曰平否音鄙臧否
善惡也平決其善與惡咎徵書洪範篇咎徵注咎徵
叙惡行之驗也君行狂妄則常雨僭差則常暘逆豫
則常煖急則常寒蒙闇則常風昔叔向不見祁奚吾
何謝焉叔向名肸姓羊舌氏弟羊舌肸皆春秋晉公
族也祁奚姓名晉大夫也左傳襄二十二年晉之執
政范宣子殺欒盈之黨叔虎與焉宣子并囚叔向祁
奚聞之見宣子曰鯨亟而禹興奈何以虎而棄社稷
宣子說以言諸平公而免之祁奚不見叔向而歸叔
向亦不告免焉而朝注言祁奚為國非私叔向也叔

向不告謝祁奚即往朝君明不為己也向音享肸許
乙反歸汝南句絕漢汝南郡後周改蔡州今汝寧府
是也舉鉤黨舉劾也鉤黨者相鉤引其黨與也從事
屬下句中都官從事也主察舉百官犯法者青州六
郡今益都府本漢北海郡禹貢青州也六郡謂濟南
平原樂安北海東萊齊國水士異齊言不同和也周
禮五齊者水火木金土五者不相入也齊才計反黨
禁中解後靈帝建寧二年復治鉤黨今故云黨禁中
解也質實
封于邵乃周武王之祖高與契通為唐虞司
徒受封于商乃成湯之祖伊尹注見梁武帝太清三
年呂望汲人姓姜名子牙年八十餘避紂居北海之
濱聞西伯善養老乃之周文王出獵遇於渭水之陽
載歸立為師稱曰尚父佐武王伐紂以安天下授以
丹書之戒封於齊汝南郡名注見光武建武十九年
賈彪潁川定陵人劉祐中山安國人魏朗上虞人劉

欽定四庫全書
御批通鑑綱目
卷十二上
三

矩沛國蕭人尹勲鞏縣人張陵成都人楷之子邊韶
陳留浚儀人槐里縣名注見元帝永光元年霍諡鄴
縣人首陽山注見武帝元封四年史弼陳留考城人
青州禹貢九州之一周禮正東曰青州蓋以土居少
陽其色青故以名州武王封太公望於此為齊國泰
置齊郡漢分置北海郡屬青州東漢為齊北海樂安
三國地以青州治臨淄魏為益都郡晉為齊樂安二
國地安帝時廣陵僑立南青州故於青州加北字劉
宋省南青州乃去北字仍曰青州後魏治東陽又改
益都郡後周改為齊郡隋復為青州尋改北海郡唐
初為青州後改北海郡乾元初復為青州又陞平盧
軍節度宋改鎮海軍金為益都府元改益都路國朝
改青州府隸山東道叔向注見靈帝熹
平四年祁奚注見唐中宗嗣聖十五年
秋八月巴郡言黃龍見質實
巴郡注見獻帝
建安十九年

初郡人欲就池浴見池水濁因戲相恐此中有黃龍語遂行太守欲上之郡吏傅堅諫曰此走卒戲語耳

書法

建和初元書黃龍見譙矣此書曰言黃龍見何疑辭也若曰其言如此云耳是故光武郡國甘露降則書言中元元年桓帝已郡黃龍見則書言是年齊青州河水清則書言陳士午年終綱目書龍見十有三詳惠帝二年惟平帝書越萬郡上此書已郡言皆疑之之辭也

大水海溢○冬十月羌寇三輔張奐遣司馬董卓擊破

之

真論功當封以不事宦官故不果拜董卓為郎中卓隴西人性粗猛有謀羌胡畏之質實張泉

欽定四庫全書

御批通鑑綱目

卷十二上

四

人

書法

書張奐遣何歸功奐也乃以不事宦官黜其功而賞董卓其私甚矣此綱目特書張奐遣病漢也是故董卓之破羌寇也書張奐遣田神功之破史朝義也書李光弼使皆歸功遣之者也唐

肅宗寶應元年

十二月帝崩尊皇后曰皇太后太后臨朝

初竇后既立御見甚稀唯采女田聖等有寵后素忌忍帝梓宮尚在前殿遂殺田聖

書法

賀善贊曰桓帝即位二十二年自延熹二年以前所書多為梁冀書第免太尉固冀專也論定策功冀伐也立皇后冀仇也策免太尉喬冀片也貶清河段李杜冀誣也改清河冀私也封襄

城君冀廢也張陵劾奏冀犯也殊禮增封冀奉也徵陳龜還冀惡之也二年以後所書多為宦閹書

封五侯宦官與謀也單超將軍宦官寵過也楊秉論作宦官貪縱也卒單超贈送過制也獄皇甫規

宦官仇陷也免馮緄宦官所惡也卒朱穆憤疾宦官也膺等輸作劾奏宦官也殺成瑨捕膺等宦官

所疾也其餘自書災變邊事外非報私恩則事遊敗急征斂凡三立后而不食死雖嘗三以震食舉

賢一徵處士往往皆具文其壞諸注祀若有見者然再祀老子則亦偶然而已此桓之所以為桓也

遣使迎解濟亭侯宏詣京師考異

京師三字

竇武召侍御史河間劉儵問以國中宗室之賢者儵

稱孝王曾孫宏武白太后定策禁中以儵守光祿大夫持節奉迎集覽解濟亭地理志解濟在安平國饒

欽定四庫全書

御批通鑑綱目

卷十二上

五

人儵音倕

孝靈皇帝建寧元年考異

按歲年例曰正統大書君名注云後有即位在今年

丙者用之則此年歲首當書春正月以竇武為大將軍

陳蕃為太傅與司徒胡廣參錄尚書事考異以下漏太

時新遭大喪國嗣未立諸尚書畏懼多託病不朝陳蕃移書責之曰古人立節事亡如存今帝祚未立諸

君奈何委茶蓼之苦息偃在集覽奈何委茶蓼之苦

牀乎諸尚書惶怖皆起視事集覽詩良耜篇以蓍茶

蓍注蓍呼毛反拔田草也茶陸草蓍水草也箋云蓍去茶蓍之事言其勤苦也今陳蕃以喻國有大事奈何委棄此勞苦而託病不朝

解濟亭侯宏至入即位○二月葬宣陵質實一統志云宣陵在河

南府城○段熲擊東羌於高平大破之以熲為破羌將

軍

初熲既定西羌而東羌先零等種猶未服皇甫規張
與招之連年既降又叛桓帝詔以問熲熲上言曰東
羌降於皇甫規者已二萬落餘羌無幾今張與踣蹢
久不進者當慮外離內合兵往必驚且羌虜人畜疲
羸有自亡之勢欲更招降坐制疆敵耳臣以為狼子
野心難以恩納勢窮雖服兵去復動計所餘三萬餘
落近居塞內路無險折而久亂并涼累侵三輔西河
上郡已各內徙安定北地復至單危自雲中五原西
至漢陽二千餘里匈奴諸羌並擅其地是為癰疽伏
疾留滯脇下如不加誅轉就滋大若以騎五千步萬

欽定四庫全書

御批通鑑綱目

卷十二上

六

人車三千兩三冬二夏足以破定無慮用費為錢五
十四億如此則可令羣羌破盡匈奴長服內徙郡縣
得反本土伏計永初中諸羌反叛十有四年用二百
四十億永和之末復經七年用八十餘億費耗若此
猶不誅盡今不暫疲民則永寧無期臣庶竭焉方伏
待節度帝許之熲於是將兵萬餘人齎十五日糧從
彭陽直指高平與先零諸種戰虜兵盛眾皆恐熲乃
令軍中長鐵利刃長矛三重挾以彊弩列輕騎為左
右翼謂將士曰今去家數千里進則事成走必盡死
努力共功名因大呼眾皆應聲騰赴馳騎於旁突而
擊之虜眾大潰斬首八千餘級太后賜詔褒美賜錢
二十萬以家一人為郎中敕中藏府增助軍費拜熲
破羌集覽伏疾猶疾之隱伏在身無慮注見宋文帝
元嘉六年彭陽徐廣曰彭陽在安定郡括
地志云故城在涇州臨城縣東二十里中藏府藏
去聲漢官儀曰中藏府令掌中幣帛金銀諸物質

實狼子野心左傳昭二十八年晉叔向欲娶申公巫
臣氏生伯石始生姑視之及堂聞其聲而還曰是

豺狼之聲也狼子野心非是莫喪羊舌氏矣遂不視
一統志云彭陽漢之縣名屬安定郡後魏屬原州隋
廢之唐復置豐義縣宋復曰彭陽元廢之故城在平
涼府鎮原縣東八十里高平縣名注見光武建武六
年

閏月追尊皇祖為孝元皇夫人為孝元后考為孝仁皇

尊母董氏為慎園貴人考異祖上皇字羨按靈帝乃清
河孝王曾孫其祖未嘗即

帝位不當○夏五月朔日食○六月大水○錄定策功

封竇武為聞喜侯質實聞喜縣名注見晉孝
武帝太元十一年

欽定四庫全書

御批通鑑綱目

卷十二上

七

涿郡盧植說武曰足下建立聖主四海有繫論者以
為吾子之功於斯為重夫同宗相後披圖索牒以次
建之何勲之有宜辭大賞以全身名武不能用植身
長八尺二寸音聲如鐘性剛毅有大節少事馬融融
性豪侈多列女倡歌舞於前植侍集覽同宗相後言
講積年未嘗轉盼融以是敬之靈帝本是同
宗當立為後披圖披謂閱視也圖
謂宗譜涿郡注見帝立更始二年

書法定策功何譏私也自梁冀始矣竇武忠賢也
則蜀為書之如梁冀武不能辭則亦不足貴

矣靈帝不足病也故下書封陳蕃

發明實武在東都為戚屬之賢然終亦不免何耶
于時漢統屢絕率以旁支入繼武適逢其機

迺以此受封不亦惜哉然使其聽植之言推而弗
居猶或庶幾而武則不能用也書錄定策功固非

美之正所以
為武惜耳

封陳蕃為高陽鄉侯不受質實

高陽鄉未詳處所疑即
高陽里注見秦二世三

年

太后以蕃舊德特
封之蕃固讓不受

段熲追擊東羌連戰破之

段熲將輕兵追羌出橋門晨夜兼行與戰連破之人
戰於靈武谷羌遂大敗餘寇四千落悉散入漢陽山
谷間張奐上言東羌雖破餘種難盡宜以恩降可無
後悔詔書下熲熲復上言臣本知東羌雖衆而輒弱
易制所以比陳愚慮思為永寧之算而張奐說虜強
難破宜用招降聖朝明監信納替言與遂猜恨言羌

欽定四庫全書

御批通鑑綱目
卷十二上

八

一氣所生不可誅盡血流汗野傷和致災臣伏念先
零雜種累以及覆攻剽發冢禍及生死上天震怒假
手行誅動兵涉夏連獲甘澍歲時豐稔人無疵疫上
占天心不為災傷下察人事衆和師克昔先零作寇
趙充國徙今居內煎當亂邊馬援遷之三輔始服終
叛至今為鯁今傍郡戶口單少數為羌所創盡而欲
令降徙與之雜居是猶種枳棘於良田養虺蛇於室
內也故臣奉大漢之威建長久之策欲絕其本根不
使能殖本規三歲之費用五十四億今適期年所耗
未半而餘寇殘盡將向殄滅臣每奉詔書軍不內御
願卒斯言一以任臣集覽比陳愚慮句絕此音毗至
臨時量宜不失權便反類數也陳愚慮猶言訴
愚東也替言注見順帝陽嘉二年羌一氣所生謂東
羌亦是稟天地陰陽之氣而生者漢和帝時魯恭王
上疏曰外蕃同稟天地之氣也莊子大宗師篇孔子
曰波方且與造化者為人而遊乎天地之一氣至今

為鯁鯁本作梗詩桑柔篇誰生厲階至今為梗箋云
厲怨梗病也他蛇楚辭天問篇雄虺九首靈蛇吞象

註他亦蛇屬爾雅云虺博三寸首大如擘山海經云
南海有大蛇長百尋其色青黃赤黑食象三歲而出

其骨註云南方蚺蛇亦吞鹿消盡乃自絞於樹腹中
骨皆穿鱗甲間出文公辯證曰或云今嶺南有異蛇

能一日行數百里以逐人者但不見說有九首耳食
鹿出骨事似若迂誕然予嘗聞山中人說大蛇能吞

人家所伏雞卵而登木自絞以出其殼者軍不內御
御制也言軍便出也淮南子曰國不可從外理軍不

可從正誤軍不內御今按此言軍中事專質實漢陽
中御正誤聽主將之命不從中制御也

注見建寧二年靈武地名
注見唐玄宗天寶十五載

秋九月太傅陳蕃大將軍竇武奏誅宦者曹節等節等

欽定四庫全書

御批通鑑綱目
卷十二上

九

殺之遂遷太后於南宮

初竇太后之立也陳蕃有力焉及臨朝政無大小皆
委於蕃蕃與竇武同心戮力以冀王室徵天下名賢
李膺杜密尹勲劉瑜等皆列於朝廷與共參政事於
是天下之士莫不延頸相望太平而帝乳母趙婕妤
諸女尚書旦夕在太后側中常侍曹節王甫等共相
朋結諂事太后太后信之數出詔命有所封拜蕃武
疾之嘗共會朝堂蕃私謂武曰曹節王甫操弄國柄
濁亂海內今不誅之後必難圖武深然之蕃大喜以
手推席而起武乃引尚書令尹勲共定計策會有日
食之變蕃謂武曰昔蕭望之因一石顯況今石顯數
十輩乎蕃以八十之年欲為將軍除害今可因此斥
罷宦官以塞天變武乃白太后曰故事黃門常侍但
當給事省內門戶主近署財物耳今乃使與政事任
重權子弟布列專為貪暴天下匈匈正以此故宜悉

誅廢以清朝廷太后曰故事世有官官但當誅其有罪者豈可盡廢耶時中常侍管霸頗有才畧專制省內武先白收霸及蘇康等皆坐死武復數白誅節等太后尤豫未忍蕃上疏言侯覽曹節公乘所王甫鄭璠等與趙夫人諸尚書並亂天下今不急誅必生變亂願出臣章宣示左右并令天下諸姦知臣疾之太后不納八月太白犯房之上將入太微劉瑜惡之上書皇太后曰案占書宮門當閉將相不利姦人在主旁願急防之入與武蕃書勸以速斷大計於是武蕃以朱寓為司隸校尉劉祐為河南尹虞祁為雒陽令奏免黃門令魏彪以所親小黃門山水代之收長樂尚書鄭璠送北寺獄蕃曰此曹子便當收殺何復考為武令水與尹勲難考辭連曹節王甫勲水即奏收節等使劉瑜內奏九月武出宿歸府典中書者先以告長樂五官史朱瑀瑀盜發武奏罵曰放縱者自可誅耳我曹何罪而當盡見族滅因大呼曰陳蕃竇武

欽定四庫全書

御批通鑑綱目

卷十二上

十

奏白太后廢帝為大逆乃夜召所親共普等十七人歃血共盟曹節請帝出御前殿拔劍躍趙境等擁衛左右閉諸禁門召尚書官屬挾以白刃使作詔版拜王甫為黃門令持節至北寺獄收勲水殺之出璠還兵劫太后奪璠綬使璠等持節收武等武馳入步兵營召會北軍五校士數千人屯都亭下令軍士曰黃門常侍反盡力者封侯重賞陳蕃聞難將官屬諸生八十餘人並拔刃突入承明門懷臂呼曰大將軍忠以衛國黃門反逆何云竇氏不道耶王甫使劍士收蕃蕃拔劍叱甫辭色愈厲遂被執送北寺獄即日殺之時張奐徵還節等以奐新至不知本謀矯制使奐率五營士討武甫將千餘人出與奐合使其士大呼武軍曰寶武反汝皆禁兵當宿衛宮省何故隨反者乎營府素畏服中官於是武軍稍稍歸甫自旦至食時兵降略盡武自殺其首都亭收捕宗親賓客悉誅之及劉瑜馮述皆夷其族遷皇太后於南宮徙武

家屬於日南門生故吏皆免官禁錮議郎已肅始同謀節等不知但坐禁錮後乃知而收之肅自載詣縣令解印綬欲與俱去肅曰為人臣者有謀不敢隱有罪不逃刑遂被誅曹節遷長樂衛尉與王甫等六人皆封列侯蕃友朱震收葬蕃屍匿其子逸事覺繫獄震受考掠誓死不言逸由是得免武掾胡騰殯斂武屍行喪亦坐禁錮武孫輔年二歲詐以為己子與今史張敞共匿之亦得免張奐遷大司農封侯奐深病為節等所賣固辭不受楊氏曰曹節王甫竊弄神器固天下所同疾實武以至親操重柄招延耆德相與協謀勦除姦凶其勢易矣然而身敗功頹貽國後患者幾事不密而禍成於无豫也張奐北州人豪素非中人之黨武不能乘機決策收為己用而乃集覽遲回達旦使逆賊得以欺奐而使之豈不惜哉蕭望之困一石顯元帝時官官石顯誣譖望之望之飲鴆自殺尤豫注見光武建武六年公乘所公乘本

欽定四庫全書

御批通鑑綱目

卷十二上

十一

秦官名言得乘公家之車也其後因為氏馬所名也長樂尚書官名也職主皇太后宮案長樂皇太后宮名內奏內讀曰納五官史漢官儀有詹事五官百官志五官中郎將一人比二千石主五官郎也史掾屬也共普姓名共音龔詔版木簡為之其長尺一後書楊賜傳割用版之恩注版詔書也唐高宗時詔并州婦人年八十以上皆版授郡君史炤曰謂不加告命以版策授之五校即五營也百官志屯騎越騎步兵長水射聲五校尉皆掌宿衛兵泉首泉本作鼎古堯反倒懸首也日南郡名注見武帝元鼎六年與深病病慮也患也人豪人中之豪俠遲回質實李膺潁川不決意貌或並音去聲遲待回避也質實襄城人杜密潁川陽城人劉瑜廣陵人雒陽縣名注見光武建武四年巴肅渤海高城人胡騰未陽人

書法

書奏誅何非專也與書謀誅者異矣唐文宗太和九年書曹節等何非濫也與樂書誅官

官者異矣同上節等殺之易辭也前書以竇武陳
蕃為某官矣此則曷為復書官惜之也若曰以太
傳大將軍之重奏誅宦者其勢順其名正而殺之
之易如此以見節等之強而陳實為不密矣綱目
所深惜也綱目書誅宦官四是不年中平六年唐文
宗太和九年昭宗天復三年而不克者二一是年唐
和九年

發明以利害言之蕃武幾事不密遂至禍延家國
誠可深惜然綱目於二人則書其官於宦者
則書奏誅其子之意初不計事之成敗而惟顧
理之是非誠以蕃武之志在於為國而當時閹宦
不去漢治終無可為之理不幸二人忠有餘而謀
不足一跌不收漢亦以亡此固天之所廢有非人
力所能為者書法若此是亦正誼不謀利明道不
計功之意耳雖然書太傅則見上公之尊書大將

欽定四庫全書 御批通鑑綱目 卷十二上
軍則見本兵之重以將相大臣合謀協力而不能
去刀鋸之賊非徒無益貽患愈深人主觀此盍亦
謹其微哉

冬十月晦日食○十二月鮮卑滅獫狁幽并質實

名注見梁武帝大同十年突厥幽并二州名幽州
注見唐高祖武德四年并州注見晉愍帝建興四年

烏桓稱王

烏桓大人上谷難樓有衆九千餘落遼西丘力居有
衆五千餘落自稱王遼東蘇僕延有衆千餘落自稱
峭王右北平烏延有衆集覽難樓烏桓大人也姓難
八百餘落自稱汗魯王名樓在上谷郡丘力居
烏桓大人也姓丘質實烏桓北胡種名注見光武建
名力居在遼西質實武二十五年上谷郡名注見

秦王政三年遼西郡名注見光武建武二十五年遼
東郡名注見秦王政三年右北平郡名注同上年

己酉二年春正月尊慎園貴人董氏為孝仁皇后以其兄

子重為五官中郎將質實五官中郎將官名注見桓帝延熹二年

書法兄子何

發明前此尊之為貴人今此尊之為皇后夫貴人
乃宮嬪之職固不可以子而職其母也皇后
乃母天下之號亦不可無其實而居其名也是時
羣小恣橫無以取悅其君故為非禮之禮以媚之
耳直書于冊其失自見

○夏四月青蛇見御座上大風雨雷電詔公卿言事

欽定四庫全書 御批通鑑綱目 卷十二上
張兵上疏曰昔周公葬不如禮天乃動威今武蕃忠
貞未被明有妖青之來皆為此也宜急為改葬徙還
家屬其從坐禁錮一切蠲除又皇太后雖居南宮而
恩禮不接宜思大義顧復之報上深嘉其言而為官
者所制不得從也與又與尚書劉猛等共薦王暢李
膺可參三公之選節等疾其言遂下詔切責之皆自
因廷尉數日得出以俸贖罪即中謝弼上封事曰皇
太后幽隔空宮如有霧露之疾陛下當何面目以見
天下孝和皇帝不絕實氏之思前世以為美談禮為
人後者為之子今以桓帝為父豈得不以太后為母
哉台宰重器國命所繫今之四公唯劉寵斷斷守善
餘皆素餐致寇之人必有折足覆餗之凶可因災異
並皆罷黜徵王暢李膺並居政事庶災變可消國祚
惟永左右惡之以他罪收弼掠死於獄光祿勳楊賜
曰王者心有所想雖未形顏色而五星以之推移陰
陽為其變度夫皇極不建則有龍蛇之孽詩云惟虺

惟蛇女子之祥惟陛下思乾剛之道別內外之宜抑

皇甫之權割艷妻之愛則蛇變可消頑祥立應賜秉

之子集覽顧復之報詩蓼莪篇父兮生我母兮鞠我

也日顧旋視也復反覆也罔極無窮極也父母之恩大

如天無窮不知所以為報也露露之疾言幽隔於空

官如霧露之遮蔽不覩天日之光明今之四公後書

百官志太尉公掌兵事司徒公掌人民事司空公掌

水土事其後每帝初即位輒置太傅為上公錄尚書

事薨輒省之折足履鍊易鼎卦曰鼎折足履公鍊蓋

鼎有三足以喻三公也三公不得其人猶鼎之折足

必傾覆其鍊也鍊音速鼎實也八珍之具皇極不建

書洪範皇建其有極羣書考索曰孔安國訓皇極為

大中之道非也蔡氏集傳云皇君建立也極猶北極

之極至極之義標準之名中立而四方之所取正焉

者也人君於一事一物之接一言一動之發無不極

欽定四庫全書御批通鑑綱目卷十二上

其義理之當然而無一毫過不及之差則極建矣龍

蛇之孽龍蛇陰類也孽本作孽孽也說文衣服歌謠

之怪謂之祿禽獸蟲蝗之怪謂之孽前書五行志曰

蟲豸之類謂之孽維他維地女子之祥詩斯干篇注

他蛇穴處陰之祥也故為生女抑皇甫之權皇甫字

也失其姓名周幽王后褒姒寵之故位卑而權重言

如皇甫者可抑損其權勢割艷妻之愛艷妻周幽王

后褒姒也幽王嬖之言如艷妻者當割絕其恩愛

正誤皇甫艷妻今按此見詩小雅十月之交云皇甫

卿士又云艷妻嬖方處未于傳皇甫位卑而權

重艷妻即褒姒也言小人用事

而嬖妾盡惑王心以為之主也質實王暢山陽高平

陽人楊賜

華陰人

書法蛇見御座大異也終綱目一見而已書詔言

事始此終綱目書詔言事四是年晉元帝大

興二年齊茂辰年魏主

六月以劉囂為司空

囂素附諸常侍集覽囂牛

秋七月段熲大破東羌平之封熲為新豐侯

詔遣謁者馮禪說降漢陽散羌段熲以羌雖暫降必

復為盜不如乘虛放兵勢必殄滅於是進營去羌所

屯四五十里遣田晏夏育將五千人先進擊破之羌

眾東奔射虎谷分兵守谷上下門熲現一舉滅之不

欲復令散走遣千人於西縣結水為柵廣二十步長

四十里遮之分遣晏育等將七千人銜枚夜上西山

結營穿塹去虜一里許又遣張愷將三千人上東山

虜乃覺之熲因與愷等挾東西山縱兵奮擊追至谷

欽定四庫全書御批通鑑綱目卷十二上

上下門窮山深谷之中處處破之斬其渠帥以下萬

九千級馮禪等所招降四千人分置安定漢陽隴西

三郡於是東羌悉平熲凡百八十戰斬三萬八千餘

級獲雜畜四十二萬四千餘頭費用四十四億軍士

死者四百餘人更封新豐縣侯邑萬戶司馬公曰邊

集覽

西縣屬天水郡括地志云故

功君子所不與也

里漢西縣也今興元府西縣是封禪書秦襄公既侯居西垂即此漢陽周以前為西戎地漢武置天水郡治平襄東漢改天水為漢陽郡治冀疆場邊境也左傳疆場之事注場音亦穀梁傳隱元年聘弓鐵矢不出竟場疏云謂之竟場者竟是疆質實一統志云漢界之名至此易主故謂之疆場也陽本漢之郡名治冀縣三國魏置秦州晉改漢陽為天水郡治上邽尋廢復置秦州宋齊復為天水郡隋廢郡為秦州大業初復為天水郡唐復為秦州天寶初改天水郡乾元初復為秦州後移治成紀宋開禧初為天水軍治天水縣金為鎮遠軍治成紀元復為秦州以成紀縣省入本朝因之改屬鞏昌府西縣漢初所置屬天水郡晉廢之故城在鞏昌府上邽縣西南九十里街枚注見秦二世二年西山在鞏昌府城西九十里廣漢水所出東山在鞏昌府城東一十五里赤亭水所出新豐縣注見成帝鴻嘉元年

欽定四庫全書

御批通鑑綱目

十六

九月江夏蠻反州郡討平之考異

此亦誤書討與元質

江夏郡名注見唐

○丹陽山越反郡兵擊破之質實

丹陽郡名注見明

○冬十月復治鈞黨殺前司隸校尉

李膺等百餘人

初李膺等雖廢錮天下士大夫皆高尚其道而汙穢朝廷更相標榜為之稱號以實武陳蕃劉淑為三君君者言一世之所宗也李膺荀昱杜密王暢劉祐魏朗趙典朱寓為八俊俊者言人之英也郭泰范滂尹勲巴肅宗慈夏馥蔡衍羊陟為八顧顧者言能以德行引人者也張儉崔超岑暉范康劉表陳翔孔昱檀敷為八及及者言其能導人追宗者也度尚張邈王孝劉儒胡母班秦周蕃嚮王章為八厨厨者言能以

財救人者也及陳實用事復舉拔膺等陳實誅膺等復廢宦官疾惡膺等每下詔書輒申黨人之禁侯覽怨張儉尤甚覽鄉人朱並上書告儉與同鄉二十四人別相署號共為部黨圖危社稷詔刊章捕儉等十月曹節諷有司奏諸鈞黨者虞放李膺杜密朱寓荀昱翟超劉儒范滂等請下州郡考治是時上年十四問節等曰黨人何用為惡而欲誅之邪對曰相舉羣輩欲為不軌上曰不軌欲如何對曰欲圖社稷上乃可其奏或謂李膺曰可去矣對曰事不辭難罪不逃刑臣之節也吾年已六十死生有命去將安之乃詣詔獄考死門生故吏並被禁錮侍御史景毅子顧為膺門徒未有錄牒不及於譴毅慨然曰本謂膺賢遺子師之豈可以漏脫名籍苟安而已遂自表免歸汝南督郵吳導受詔捕范滂至征羌抱詔書閉傳舍伏牀而泣一縣不知所為滂聞之曰必為我也即自詣獄縣令郭揖大驚出解印綬引與俱亡曰天下大矣

欽定四庫全書

御批通鑑綱目

十七

子何為在此滂曰滂死則禍塞何敢以罪累君又令老母流離乎其母就與之訣曰汝今得與李杜齊名死亦何恨滂跪受教再拜而辭凡黨人死者百餘人妻子皆徙邊天下豪傑及儒學有行義者宦官一切指為黨人有怨隙者因相陷害睚眦之忿盡入黨中或有未嘗交關亦罹禍毒其死徙廢禁者又六七百人郭泰聞之私為之慟曰詩云人之云亡邦國殄瘁漢室滅矣但未知瞻烏爰止于誰之屋耳泰雖好臧否而不為危言數論故能處濁世而怨禍不及焉永儉亡命困迫望門投止莫不重其名行破家相容後流轉東萊止李篤家外黃令毛欽操兵到門篤引欽就席曰張儉負罪豈得藏之若審在此此人名士明廷寧宜執之乎欽因起撫篤曰蓬伯玉耻獨為君子足下如何專取仁義篤曰今欲分之明廷載半去矣欽歎息而去篤導儉出塞其所經歷伏重誅者以十數連引收考徧天下儉與魯國孔褒有舊亡抵褒不

遇褒弟融年十六匿之事泄儉亡走國相收褒融送
獄未知所坐融曰保納舍藏者融也褒曰彼來求我
非弟之過吏問其母母曰家事任長妾當其辜一門
爭死郡縣疑不能決乃上獄之詔獨坐褒及黨禁解
儉乃還鄉里夏馥聞儉亡命歎曰尊自己作空汙良
善一人逃死禍及萬家何以生為乃自剪須髮形入
林慮山中隱姓名為治家傭親突煙炭形貌毀瘁積
二三年人無知者馥弟靜戴縑帛追餉之馥不受曰
弟奈何載禍相餉乎初中常侍張讓父死歸葬潁川
雖一郡畢至而名士無往者讓耻之陳寔獨弔焉及
誅黨人讓以寔故多所全宥初太尉袁安子敞為司
空孫湯復為太尉湯三子成逢隗成生紹逢生術至
是逢為司空隗亦顯官中常侍袁救以逢隗相家與
之同姓推崇以為外援故袁氏貴寵於世富奢甚不
與他公族同紹壯健有威容愛士養名賓容輻輳術
亦以俠氣聞逢從兄子閔少有操行以耕學為業逢

隗數饋之無所受閔見時方險亂而家門富盛常對
兄弟歎曰吾先公福祚後世不能以德守之而競為
驕奢與亂世爭權此即晉之三郤矣及黨事起閔欲
投迹深林以母老不忍去乃築土室四周於庭不為
戶自牖納飲食母思閔時往就視母去便自掩閉兄
弟妻子莫得見也潛身十八年卒於土室初范滂等
非許朝政自公卿以下皆折節下之太學生爭慕其
風中屠蟠獨歎曰昔戰國之世處士橫議列國之主
至於擁篲先驅卒有坑儒燒書之禍今之謂矣乃絕
迹於梁陽之間因樹為屋自同傭人居二年滂等果
罹黨錮之禍司馬公曰天下有道君子揚于王庭以
正小人之罪而莫敢不服天下無道君子囊括不言
以避小人之禍而猶或不免黨人生昏亂之世不在
其位四海橫流而欲以口舌救之以至身被淫刑禍
及朋友士類殲滅而國隨以亡不亦悲乎夫惟郭泰
既明且哲以保其身申屠蟠見幾而作不俟終日卓

乎其不**集覽**相標榜相表襮也黨錮傳注標榜猶言
可及已**集覽**稱揚也導人追宗黨錮傳注導引也宗
謂所宗仰也胡母注見晉惠帝元康七年蕃嚮姓名
章懷曰蕃音皮八厨黨錮傳注厨音皮刊章印行之
文如今板榜征羌正義曰縣屬汝南睢陽注見周報
王五十六年人之云亡邦國殄瘁詩瞻印篇注殄盡
瘁病也左傳襄二十六年蔡聲子曰無善人則國從
之詩曰人之云亡邦國殄瘁無善人之謂也瞻烏爰
止于誰之屋詩正月篇注富人之屋烏所集也文公
集傳曰言不幸而遭國之將亡將被囚執未知復從
何人而受祿如視烏之飛不知其將止於誰之屋也
望門投止窘迫之中見門即投歸而止宿求隱匿也
破家相容寧破壞其家業而容隱張儉明廷寧宜執
之明廷猶稱明府也寧宜執之猶言豈肯執捕之今
欲分之李篤謂毛欽若欲分取此仁義之美名載半
去矣言不執儉得仁義之半去家事任長任從家

之長上獄之上奏也獻正獄議罪也漢書音魚列反
林慮河內邑林本作隆漢避陽帝諱故改曰林索隱
曰隆音林慮音問袁術本傳無明音或曰術音遂案
月令審端經術注術周禮作遂遂上有徑故袁術字
公路愚謂此說未允案前書禮樂志心術注顏師古
曰術道徑也心之所由也又韻會舉要入聲內注說
大術邑中道也以是知袁術當在入聲以俠氣聞俠
氣之名見聞於人晉之三郤卻犇卻錡卻至皆春秋
晉卿也屬公嬖人胥童曰卻氏族大若除去大族則
不偏害公室後胥童與夷羊五攻殺三卻暴其尸於
朝梁陽陽徒浪反蘇林曰又音唐梁國之邑秦置碭
郡漢改梁國隋置宋州今歸德府是括地志云宋州
碭山縣在州東北百五十里本漢碭陽縣即今濟州
碭山縣也山在縣東囊括不言注見桓帝元嘉元年
括**正誤**遠伯玉駐獨為君子今按謝承後漢書王暢
囊括劉表亦有此語未詳所出蓋世人相傳之

辭

質實

劉淑河間樂城人荀昱潁川潁陰人淑之從兄子趙典成都人郭泰太原介休人范滂汝

南細陽人宗慈南陽安衆人夏馥陳留圉人蔡衍汝

南項人羊陟泰山梁父人張儉山陽高平人岑旺南

陽棘陽人劉表山陽高平人魯恭王之後陳翔名陵

人檀敷瑕丘人度尚山陽湖陵人劉儒陳郡陽平人

景毅蜀郡人東萊郡名注見成帝永始元年一統志

云外黃漢之縣名屬陳留郡三國魏廢之故城在開

封府杞縣東北左傳惠公敗宋師于外黃即此蓬伯

王耻獨為君子蓬伯玉衛人靈公時仕為大夫行年

五十而知四十九年之非六十而化孔子至衛主於

其家稱之曰君子哉蓬伯玉邦有道則仕邦無道則

卷而懷之後世追封內黃侯從祀孔子廟庭魯國注

見周太祖廣順二年曲阜縣隆慮漢之縣名屬河內

郡後漢改為林慮縣三國魏屬朝歌郡晉屬汲郡後

魏省入鄴縣尋復置兼置林慮郡北齊郡廢後周復

欽定四庫全書

御批通鑑綱目

卷十二上

三

置郡隋罷郡置巖州縣仍舊大業初州罷唐初復置

巖州尋罷州以縣隸相州宋因之金陞為林州元因

之國朝降為縣改屬彰德府謹按此隆慮分明是山

名集覽以為河內邑可謂誤矣愚不敢違之故述此

縣沿革於此智者察之隆慮山已注見帝玄更始二

年申屠蟠陳留外黃人梁國名注見景帝三年陽郡

名秦末所置治陽縣東漢降為陽山縣後魏改為安

陽縣隋復為陽山縣屬梁郡唐屬宋州宋因之金屬

歸德府後廢元復置陽山縣屬

濟寧路國朝因之改屬徐州

書法

膺已廢矣書前司隸校尉何廢不以罪也殺之甚矣然則諸君子無譏歎前書部黨繼書

黨人此書鉤黨綱目固

不能不假此以垂戒矣

發明

膺已廢錮而猶書前司隸者廢不以罪故也廢猶不予況殺之乎彼小人欲空人之國非

誣以朋黨則不足以盡賢人之類漢室至是固已亡矣然范滂張儉等不得列書于冊者此又綱目

有不滿諸賢之意耳學者要當

深考而默察之則得其旨矣

是月晦日食考異

一本漏是月二字 ○鮮卑寇并州

庚三年春三月晦日食 ○徵段熲為侍中

類在邊十餘年未嘗一日蓐寢與將士同甘苦故皆樂為死戰所嚮有功

辛四年春正月帝冠赦考異 提要赦字下大書

唯黨人不赦

書法

赦不悉書自元帝以來矣書永康赦以赦黨人也書今年赦以唯黨人不赦也書中平赦

欽定四庫全書

御批通鑑綱目

卷十二上

三

又以赦黨人也黨錮顛末綱目謹書之觀其所書諸君子之不可深罪並明矣

發明 綱目自元帝永元元年以後凡赦之無事義者例皆不書而此特書之者著其獨不赦黨

人故也嗚呼黨人皆賢人君子非有大惡於國而惡之若此漢氏雖欲不亡得乎

二月地震海溢 ○三月朔日食大疫 ○秋七月立貴人

宋氏為皇后 ○冬十月朔帝朝太后於南宮

帝以竇太后有援立之功率羣臣朝南宮親饋上壽黃門令董萌因此數為太后訴寃帝深納之供養資

奉有加於前曹節王甫疾之誣萌以謗詆永樂宮下獄死

書法

朝太后不書此何以書遷后也綱目子存義故特書之是故順帝朝太后書靈帝朝太后

書皆遷后也不
久皆以喪書矣

鮮卑寇并州

士熹平元年春正月帝謁原陵質實原陵注見光武建武中元二年

司徒掾蔡邕曰吾聞古不墓祭朝廷有上陵之禮始謂可損今見威儀察其本意乃知孝明皇帝至孝惻隱不易奪也禮有煩而不可省者此之謂也胡氏曰墓藏體魄而致生之是不智也廟以宅神而致死之是不仁也故聖人制禮專於廟享而不祭於墓其於理義精矣明帝之舉蔡邕之議豈其不考於此而失之集覽墓藏體魄而致生之是不智也廟以宅神與集覽而致死之是不仁也注見明帝永平元年質實

蔡邕陳留圉人

欽定四庫全書

御批通鑑綱目
卷十二上

王

三月太傅胡廣卒

廣周流四公三十餘年歷事六帝禮任極優所辟多天下名士練達故事明解朝章京師諺曰萬事不理問伯始天下中庸有胡公然溫柔謹愔常遜言恭色以取媚於時無忠直之風天下以此薄之集覽四公本傳曰凡一履司空再作司徒三登太尉又為太傅明解胡買及曉也伯始胡廣字

夏官者侯覽有罪自殺

覽為長樂太僕坐專權驕奢策收印綬自殺

六月大水○皇太后竇氏崩秋七月葬桓思皇后

竇太后母卒於比景太后憂思感疾崩於雲臺宦者積怨竇氏以衣車載其尸置城南市舍數日曹節王

甫欲用貴人禮殯帝不可於是發喪成禮節等欲別葬太后而以馮貴人配祔詔公卿大會朝堂令中常侍趙忠監議太尉李咸時病扶輿而起持椒自隨謂

妻子曰若皇太后不得配食桓帝吾不生還矣既議坐者瞻望中官莫肯先言廷尉陳球曰皇太后以盛德良家母臨天下遭時不造援立聖明因遇大獄遷居空宮家雖獲罪事非太后今若別葬誠失天下之望且馮貴人無功於國何宜上配至尊李咸曰臣本謂宜爾誠與意合於是公卿以下皆從球議節甫猶爭之咸復上疏曰章德虐害恭懷安思家犯惡逆而和帝無異葬之議順朝無貶降之文今長樂尊號在身親嘗稱制援立聖明光隆皇祚太后以陛下為子陛下豈得不以太后為母子無貶降之文今長樂尊號無貶君宜合葬宣陵一如舊制帝從之集覽比景建寧元年徙於比景比景注見安帝延光四年成禮具禮也言不降其葬禮配祔雜記曰男子附於王父則配女子

欽定四庫全書

御批通鑑綱目
卷十二上

王

附於王母則不配注配謂并祭王母不配則不祭王父也附讀為祔祔於先死者也文公家禮曰高氏云若祔妣則設祖妣及妣之位更不設祖考位若父在而祔妣則不可遞遷祖妣宜別立室藏其主待考同祔若考妣同祔則並設祖考及祖考妣之位胡泳曰高氏別室藏主之說恐未然先生內子之喪主只祔在祖妣之旁此當為據也持椒自隨李咸持椒為末以自隨者欲以椒塞口而死也本草云椒味辛有毒不造詩問于小子遭家不造箋云造成也不造言家道未成也家雖獲罪家謂其家竇武也章德虐害恭懷章帝后竇氏是為章德皇后養梁貴人子肇為子梁貴人以父梁棟為竇氏所陷死獄中貴人亦以憂死後肇立是為和帝追尊梁貴人為恭懷太后安思宗祀惡逆安帝后閻氏是為安思皇后安帝崩閻顯定冊迎北鄉侯懿入即位後北鄉侯亮孫程質實臺等迎濟陰王保立之是為順帝遂誅閻顯

注見明帝永平三年陳球下
邳人宣陵注見熹平六年

詔司隸校尉劉猛論輸左校

有人書朱雀闕言曹節王甫幽殺太后詔司隸劉猛
逐捕猛以其言直不肯急捕詔以段熲代猛乃四出
逐捕及太學游生繫者
千餘人奏猛論輸左校

書法

於是書朱雀闕言曹節王甫幽殺太后者
詔司隸逮捕猛以其言直緩之段熲奏猛論
輸左校則其直書詔何專病靈也易為病之人言
節甫幽殺太后不治節甫而罪司隸帝誠何心哉
以是為帝病故特書詔終綱目書
詔輸作二李膺劉猛皆病其上也

冬十月殺渤海王悝

欽定四庫全書

御批通鑑綱目
卷十二上

十四

初渤海王悝以不道貶為廢陶王因王甫求復國許
謝錢五十萬既而桓帝遺詔復之悝以非甫功不與
甫以中常侍鄭璆等與悝交通乃使段熲收璆等而
奏璆等謀迎立悝詔冀州刺史收悝悝迫令自殺妃妾
子女傳相以下百餘人皆被集覽悝音魁渤海王之
誅甫等十二人以功封列侯名廢陶地理志鉅
鹿郡廢陶縣案鉅鹿今邢州是也廢一
并反風思合反史炤通鑑釋文音立質實一統志
漢之縣名屬廣平國晉屬鉅鹿國後魏改為平鄉縣
隋屬洺州尋改屬邢州唐初於此置封州州廢還屬
邢州宋省入鉅鹿縣尋復置金仍舊
元隸順德路國朝因之改屬順德府

十一月會稽妖賊許生稱帝質實

會稽郡名注見
和帝永元元年○鮮

卑寇并州質實

鮮卑東蕃國名注見光武建武二十
五年并州注見齊明帝建武三年

癸丑二年春正月大疫○夏六月地震○秋七月以唐珍
為司空

珍中常侍
衡之弟也

冬十二月鮮卑寇幽并○是月晦日食

甲寅三年冬十一月吳郡司馬孫堅討許生斬之考異凡

例討而殺之曰誅
此當書誅誤作斬

堅富春人召募精勇得千餘人助州郡討許生大破斬之質實吳郡注見獻帝建
安五年一統志云
富春漢之縣名屬會稽郡東漢屬吳郡三國吳置東
安郡治富春尋廢郡仍屬吳郡晉改為富陽縣隋屬

欽定四庫全書

御批通鑑綱目
卷十二上

十五

杭州唐宋元仍舊國
朝因之屬杭州府

二月鮮卑入北地又寇并州考異入當

乙卯四年春三月立石經于太學門外

詔諸儒正五經文字命議郎蔡邕為古文篆隸三體
書之刻石立于太學門外使後學取正焉碑始立觀
模寫者車乘集覽立石經于太學門外鐫五經於石
日千餘兩碑曰石經洛陽記曰太學在洛城
之南堂前石經四部本碑凡四十六枚古文篆隸藝
文志太史試學童以六體六體者古文奇字篆隸
書繆篆蟲書頽師古曰古文謂孔子壁中書篆隸皆
秦使程邈所作篆有大篆有小篆隸書主於徒隸從
簡易也或曰始造隸書起於官
獄多事苟趨簡易施諸徒隸也